

BOSNA I HERCEGOVINA
FEDERACIJA BOSNE I HERCEGOVINE
BOSANSKO - PODRINJSKI KANTON GORAŽDE
OPĆINSKI SUD U GORAŽDU
Broj: 045-0-F1-26-000 003
Goražde, 24.03.2026. godine

OPĆINSKI SUD U GORAŽDU, sudija Lejla Ferhatović, u pravnoj stvari upisa u Registar političkih organizacija i udruženja političkih stranaka, odlučujući po prijavi za registraciju političke organizacije/stranke „Glas naroda“, podnesenoj od strane Memsudina Raščića, predsjednika Političke organizacije, van ročišta, dana 24.03.2026. godine donio je sljedeće:

R J E Š E N J E

I Upisuje se u Registar političkih organizacija koji se vodi kod Općinskog suda u Goraždu politička organizacija/stranka pod nazivom: Glas naroda, skraćeni naziv: GN, sa sjedištem u ulici 43. Drinske udarne brigade broj 14A, Grad Goražde.

Osnivači političke organizacije/stranke su:

Sada Ferić, Mervana Mirvić, Sulejmen Ćulov, Hedija Mirvić, Ibro Ferić, Nikola Novaković, Bojan Milović, Dragoljub Milović, Mahir Mirvić, Daliborka Milović, Admin Bardak, Memsudin Raščić, Moamer Efendić, Mladen Gigović, Kosa Gigović, Elvis Pršeš, Dušan Vasović, Izet Buljković, Dževad Uhot, Muris Ražanica, Meho Ušanović, Husein Malešević, Munevera Alikadić, Samir Terović, Elvedina Kadrić, Alen Spahović, Seno Bujak, Suvad Krašić, Adnan Geca, Almir Kuduz, Hasan Rikalo, Radenko Stojanović, Dajana Drašković Milović, Jelena Baranac, Zoran Popović, Dragomir Gigović, Ognjen Gigović, Strahinja Čolaković, Dragiša Sekulić, Milica Milović, Njegoš Petrović, Dejan Topolić, Borislava Gigović, Dragica Topolić, Srđan Stojanović, Jasmin Šuntić, Ramiza Avdagić, Sabahudin Jelić, Mevludin Ahmetpahić, Adi Hadžović, Mladen Jeremić i Nenad Stojanović.

Upis je izvršen pod registarskim brojem: 045-0-F1-26-000 003 od dana 24.03.2026. godine.

II Osnovni ciljevi političke organizacije/stranke su sljedeći:

- podsticanje infrastrukturnog, socijalnog i ekonomskog razvoja svih prostora Bosne i Hercegovine,
- unaprjeđenje odgovornosti i kvaliteta rada institucija vlasti jačanjem mehanizma komunikacije i saradnje sa građanima, poslovnim sektorom i razvijanjem kapaciteta ljudskih resursa,
- borba protiv svih oblika diskriminacije i socijalne isključenosti,
- ravnomjeran regionalni razvoj, podrška povratničkim zajednicama, razvoj ruralnih sredina,
- afirmacija mladih kroz intenziviranje učešća u javnom i društvenom životu,
- zaštita kulturne i prirodne baštine te čovjekove okoline,
- poštivanje ljudskih prava, dostojanstva i sloboda, nezavisno o mentalitetu, vjerskoj, rasnoj, nacionalnoj i etničkoj pripadnosti, dobu, spolu, političkom uvjerenju i socijalnom statusu,
- smanjenje društvene nejednakosti i stvaranje sistema jednakih mogućnosti,
- ostvarivanje svih oblika građanskih sloboda,

- razvoj prijateljskih odnosa među narodima.

Osoba ovlaštena za zastupanje i predstavljanje stranke je:

- Memsudin Raščić, predsjednik stranke.

Obrazloženje

Memsudin Raščić iz Goražda, u svojstvu predsjednika političke organizacije/stranke – ovlaštenog lica koje će obavljati poslove upisa u Registar političkih organizacija, dana 10.03.2026. godine ovom Sudu je podnio prijavu radi upisa u Registar političkih organizacija osnivanja političke organizacije/stranke pod nazivom: Glas naroda, skraćeni naziv: GN, sa sjedištem u ulici 43. Drinske udarne brigade broj 14A, Grad Goražde.

Uz prijavu za upis u Registar političkih organizacija od strane podnosioca prijave priloženi su: Odluka o osnivanju stranke Glas naroda od dana 01.03.2026. godine, Izjava o zastupanju i predstavljanju stranke od dana 04.03.2026. godine, ovjerena od strane Službe za društvene djelatnosti, opću upravu, socijalnu zaštitu i stambena pitanja Grada Goražda, broj: 2959 od dana 04.03.2026. godine, Izjava o prihvatanju dužnosti predsjednika stranke od dana 04.03.2026. godine, ovjerena od strane Službe za društvene djelatnosti, opću upravu, socijalnu zaštitu i stambena pitanja Grada Goražda, broj: 2959 od dana 04.03.2026. godine, Odluka o usvajanju Statuta stranke od dana 01.03.2026. godine, Statut stranke od dana 01.03.2026. godine, ovjeren od strane Službe za društvene djelatnosti, opću upravu, socijalnu zaštitu i stambena pitanja Grada Goražda, broj: 3536 od dana 23.03.2026. godine, Odluka o usvajanju programa stranke od dana 01.03.2026. godine, Program stranke od dana 01.03.2026. godine, zapisnik sa Osnivačke Skupštine stranke od dana 01.03.2026. godine i fotokopije ličnih karata 52 osnivača – punoljetna građana.

Nakon što je utvrđeno da podnositelj prijave ispunjava uslove za registraciju političke organizacije iz člana 11. i 16. Zakona o političkim organizacijama SR BiH, sud je shodno odredbama člana 19. istog Zakona donio rješenje kojim je prijavu za upis u Registar političkih organizacija političke organizacije/stranke pod nazivom Glas naroda, ocijenio osnovanom i odlučio kao u izreci rješenja.

S u d i j a

Lejla Ferhatović

Pouka o pravnom lijeku: Protiv ovog rješenja dozvoljena je žalba u roku od 15 dana od dana prijema. Žalba se podnosi Kantonalnom sudu u Goraždu, putem ovog suda u 3 primjerka.